



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400; 726 414; 033 726 409
fax. +387 33 726 423; 726 414
e – mail: info@voda.ba

Broj: **UP-I/25-3-40-327-3/21**
Datum: **27.08.2021. god.**

«Agencija za vodno područje rijeke Save» Sarajevo rješavajući po zahtjevu pravnog lica «IN TIME» d.o.o. Sarajevo za donošenje rješenja o vodnoj dozvoli za ispuštanje oborinskih onečišćenih voda sa lokacije poslovno-skladišnog objekta izgrađenog u naselju Reljevo, općina Novi Grad, Sarajevo, na osnovu člana 109. stav (1) tačka 2. Zakona o vodama («Službene novine Federacije BiH, broj 70/06») i člana 200. stav (1) Zakona o upravnom postupku («Službene novine Federacije BiH», broj 2/98 i 48/99), donosi

R J E Š E N J E **o vodnoj dozvoli**

1. Pravnom licu «IN TIME» d.o.o. Sarajevo daje se vodna dozvola za ispuštanje oborinskih onečišćenih voda sa lokacije poslovno-skladišnog objekta, izgrađenog na zemljištu označenom kao k.č. broj 1030 K.O. Rajlovac (novi premjer), što odgovara k.č. broj 1290/1 K.O. Crnotina (stari premjer), općina Novi Grad, Sarajevo.
2. Ova vodna dozvola ne oslobađa podnosioca zahtjeva obaveze pribavljanja vodne dozvole za zahvatanje vode i ispuštanje sanitarnih otpadnih voda, za čije izdavanje je nadležno Ministarstvo privrede Kantona Sarajevo, u skladu sa članom 139. stav (2) tačka 1. i 2. Zakona o vodama.
3. Vodna dozvola se daje na osnovu činjeničnog stanja utvrđenog pregledom dostavljene projektne i druge dokumentacije, izvršenog uviđaja na objektu i pod slijedećim uslovima:
 - 3.1. Da se upotreba i korištenje predmetnog objekta vrši u skladu sa urađenom investiciono tehničkom dokumentacijom, koja je služila kao podloga za davanje ove vodne dozvole.
 - 3.2. Da korisnik objekta, za sve vrijeme trajanja ove vodne dozvole, obezbjeđuje da se oborinske onečišćene vode sa manipulativnih, parking i saobraćajnih površina nesmetano sakupljaju putem slivnika sa slivnom rešetkom i kanizacionim cijevima odvedu do tipskog separatora ulja i naftnih derivata, a zatim prečišćene preko okna za monitoring kanizacionim cijevima odvedu do ispusta izvedenog u rijeku Bosnu.
 - 3.3. Vlasnik, odnosno korisnik poslovnog objekta je obavezan da izgrađene objekte, a čija svrha je odvođenje i prečišćavanje onečišćenih voda, redovno održava i koristiti na način koji će obezbijediti njihovu potpunu ispravnost i funkcionalnost.
 - 3.4. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz kontrolnog okna, u skladu sa Uredbom o uslovima ispuštanja otpadnih voda u okoliš i sisteme javne kanalizacije.
 - 3.5. Prečišćena otpadna voda mora ostati u maksimalno dopuštenim granicama definiranim Uredbom o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 3.6. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i

Pravilnika o uslovima koje moraju ispunjavati ovlaštene laboratorije i sadržini i načinu izdavanja ovlaštenja («Službene novine Federacije BiH», broj 14/10, 14/3, 26/14, 15/17, 23/17 i 41/20).

- 3.7. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.8. Sadržaj (mulj) iz uređaja za prečišćavanje otpadnih voda i opasni otpad ne smije se odlagati na česticu «vodno dobro», odnosno u vodotoke i na njegove obale.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1, Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove vodne dozvole, pravno lice, odnosno korisnik objekta «IN TIME» d.o.o. Sarajevo je dužan provoditi sve mjere i aktivnosti propisane istom.
6. Ukoliko radom predmetnog objekta dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetne benzinske stanice obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete..
8. Prava stečena po ovoj vodnoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina, od dana pravosnažnosti ovog rješenja.
10. Prije isteka važnosti ove vodne dozvole, Investitor, odnosno korisnik objekta je dužan da podnese zahtjev za izdavanje nove vodne dozvole.

O b r a z l o ž e n j e

Pravno lice «IN TIME» d.o.o. Sarajevo podnijelo je zahtjev za donošenje rješenja o vodnoj dozvoli za ispuštanje oborinskih onečišćenih voda sa lokacije poslovno-skladišnog objekta, izgrađenog na zemljištu označenom kao k.č. broj 1030 K.O. Rajlovac (novi premjer), što odgovara k.č. broj 1290/1 K.O. Crnotina (stari premjer), općina Novi Grad, Sarajevo.

Uz zahtjev je dostavljena slijedeća dokumentacija:

- Ovjerena kopija Aktuelnog izvoda iz sudskog registra Općinskog suda u Sarajevu o upisu subjekta upisa «IN TIME» d.o.o. Sarajevo, broj: 065-0-RegZ-21-004612 od 21.05.2021. godine, izdatog od strane Općinskog suda u Sarajevu;
- Ovjerena kopija Uvjerenja o poreznoj registraciji izdatog od strane Porezne uprave Federacije BiH – Kantonalni porezni ured Sarajevo dana 06.11.2015. godine;

- Ovjerena kopija Uvjerenja o registraciji/upisu u Jedinstveni registar obveznika indirektnih poreza, upisan je «IN TIME» d.o.o. Sarajevo, izdatog od strane Uprave za indirektno-neizravno oporezivanje Banja Luka broj: 04/1-UPP/1-6092/07 od 01.08.2007. godine;
- Punomoć;
- Kopija rješenja o odobrenju za građenja izdatog od strane Općinske službe za urbanizam i stambene poslove općine Novi Grad Sarajevo, broj: 06-23-13576/10 H.S. dana 17.05.2011. godine;
- Kopija izmjenjenog Rješenja o odobrenju za građenje izdatog od strane Općinske službe za urbanizam, imovinsko-pravne, geodetske poslove i katastar nekretnina općine Novi Grad Sarajevo, broj: 04-23-2823/15 S.N. dana 04.12.2015. godine;
- Kopija ugovora sklopljenog sa KJKP „Vodovod i kanalizacija“ d.o.o. Sarajevo;
- Izvedbeni projekat – poslovno-skladišni objekat, urađen od strane „SINTEZA“ d.o.o. Visoko, juli 2014. godine (na uvid);
- Dokaz o uplaćenju upravnoj pristojbi.

Nakon pregleda dostavljene dokumentacije, u skladu sa odredbama člana 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20) izvršen je obilazak predmetne lokacije i tom prilikom je sačinjen zapisnik o uviđaju broj: UP-I/25-3-40-327-2/21 dana 20.08.2021. godine i konstatovano slijedeće:

Predmetni objekat „IN TIME“ izgrađen je u naselju Reljevo-Toplik, općina Novi Grad Sarajevo, u sklopu Regulacionog plana „Privredna zona Rajlovač“. Pristup objektu je putem postojeće saobraćajnice, koja se priključuje na Rajlovačku cestu. Osnovna djelatnost firme je špedicija, kurirska služba-brza pošta i zbirni transport.

Na predmetnoj lokaciji smješten je objekat za skladištenje i administrativni prostor sa pratećim sadržajima.

Oborinske onečišćene vode koje se javljaju na predmetnoj lokaciji se prikupljaju putem slivnika sa slivnom rešetkom, te putem interne kanalizacione mreže odvođe do uređaja za tretman – tipskog separatora ulja i naftnih derivata, a zatim prečišćene preko okna za monitoring ispuštaju u rijeku Bosnu. Lokacija izgrađenog skladišno-poslovnog objekta je van gradskog kanalizacionog sistema, obzirom da je objekat nizvodno od gradskog uređaja za prečišćavanje otpadnih voda.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva rješenja, propisani uslovi u skladu sa odredbama članova 53. i 116. Zakona o vodama, člana 12. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) i člana 14. Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Na osnovu provedenog postupka konstatuje se da je podnosilac zahtjeva «IN TIME» ispunio minimum uslova za izdavanje vodne dozvole za ispuštanje oborinskih onečišćenih otpadnih voda u prirodni recipijent, te je riješeno kao u dispozitivu ovog Rješenja.

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Postupak vodio: Aida Bezdrob, dipl.ing.građ.

29 - **Po ovlaštenju
Rukovodilac Sektora
za izdavanje vodnih akata**



Haris Ališehović
Haris Ališehović, dipl. ing.građ.

Dostaviti:

- «IN TIME» d.o.o. Sarajevo, Braće Baljić 1A, 71000 Sarajevo
- ⊖ AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča AVP Sava